

# სნობის ფურცელი

## სურათებიანი დამატება

№ 373

სურათებიანი, 19 იანვარი 1906 წ.

№ 2982

### ფანჯარული ყოფი

(დასასრული \*)

ზღვა კვლავ მიჩუმდა...

ძლიერი, ძველი ტალღები ქვესკნელში მოჰყვნენ. ქარი არ აღვიძებს იმით და არც გრივად იძახის... ნორჩი ტალღები პირქუშად ტრიალებენ... — არ ისმის არც სიცილი, არც სიმღერა ნანატრ თავისუფლებათზე... მზე პირქუშად დაჰყურებს და ცაც ირგვლივ მოღრუბლულია, ატყელებული...

დრო-და-დრო მხოლოდ, მარტოობაში დამარბულნი, ნორჩი ტალღები ერთმანეთს და საბრძოლველად ემზადებიან. შეერთებული, შემოკრებილი წვეტიანს კლდეებს მკერდებს ახეთქენ.

მაგრამ... ამოდ... უსულო ხროვა აღარ იძვრის... მხოლოდ ისმის მიყრდნული გმინვა გუგუნის... ეს ჰიმნია მკერდ-განგმირულის მებრძოლებისა...

ზღვა კვლავ ტიროდა.

დრო გავიდა.

ბევრმა ნორჩმა ტალღამ დაახეთქა გულმკერდი წვეტიანს კლდეებს...

ირგვლივ უფრო და უფრო ბნელდებოდა...

მიჩუმდნენ ტალღანი... „მოვიცადოთ, ღონე მოვიკრიბოთ...“

წლები გადიოდნენ...

ნორჩი ტალღები გამაგრდნენ, მღევარი აფრინეს ყოველის მხრით მძინარეთა გასაღვიძებლად.

მღევარი დაეშვნენ ზღვის ქვესკნელშიც ბებერ ტალღებთან, საბრძოლველად დასაძახებლად...

ბებერი ტალღები ღრეჯით ქალარა თავს აჰყვენ:

„არა გვაქვს ძალა, არა გვაქვს ღონე... რითი ვიბრძოლოთ. კლდეებს სად ვეოწოთ?“

ტალღა-მღევარი მსწრაფლ გაჰქანდნენ მშობელ-ქარისა, მშობელ გრივალის დასაძახებლად... ზღვაში — ეძებენ ველარა ნახეს. მთის ხეობებში ნახეს შემდეგში.

„საღამითა და მოკითხვითა მოცდით თქვენთან, მშობელო, მღევარი! დასტოვებთ ვიწრო მთებში, უსივრცო ზღვისკენ განოფრინებთ. დაეგრეთ სამარცხენო ჯაჭვი, რომლითაც შეხუდულია სული ჩვენის ძმების! შთაბერეთ ახალგაზრდა ტალღათ სული საცხოვრებლად და წაუღივით თავისუფლებას! შეჰკრიბეთ მრისხანე ძალები და გაეჰყანეთ რწმენით კლდეებს. არ გვეშინია ბრძოლის, სიკვდილის... ზღვა განთავისუფლდეს... მხოლოდ!“

გული აუხმაჯდა ქარს, სისხლი აენტო გრივალს...

მღევართა სიტყვებმა გაახსენეს საოცნებო წარსული წლები.

მთის ხეობებში უსივრცო ზღვაში გაისმის მღევარი ხმა მოწოდებისა:

„მოვდივართ! მოვდივართ! მოვდივართ! თავისუფლება უნდა ვიხსნათ! თავისუფლება უნდა ვიხსნათ! თავისუფლება უნდა ვიხსნათ! აღსდგით, მღევარო ტალღებო! დაღწეეთ ჯაჭვი თავისუფლების შესუთვლი...“

მღევარი იყო ეს ბრძოლის ხმა. ვითა გრივალი, ვით გრგვინვა ზეცის, ისე გაისმა ზღვისა უფსკრულში...

ტალღები ტრიალებდნენ, ღელავდნენ, სრიალებდნენ — ამ მოწოდების მონა-მორჩილი...

„აღმოსავლეთიდან დასავლეთით, სამხრეთიდან ჩრდილოეთით გროვდებოდნენ ტალღები ბრწყინვალე რაზმებად...“

ელვისავით გაიქროლა ქარიშხალმა; გრივალმაც მხარი მისცა.

ქარმა დაიღმუვლა, გრივალი აქოთქოთდა.

ბრძოლა დაიწყო.

„წინ, მამაცო ტალღებო; სიკვდილი ან თავისუფლება!“ — ეს ბრძოლის ხმები ზღვს ყორესავენ მღევრად გაისმა.

შეჰკრიბნენ ყომარა კლდენი. ახლოსაა ტალღები... სწრაფად, სწრაფად მისცურავენ გულ-მკერდით მტრისკენ, ეცნენ კიდეც — თავი შეაკლნენ...

წინწკლები ქათვსა, სისხლივით მელღარესი, მალა ხტებოდნენ, ყრუ კლდეებს რეცხდნენ...

ქარი მოსთქვამს: „შვილებო! სისხლ-ხორცო შვილებო! დაიბოცენით... ეგ ასე არის... მაგრამ მაინც დავანგრევთ ყორეს!“

ზღვა ბობოქრობს.

დაღუპულთ მავივად ახალი ტალღები მობრძან.

რა მრისხანე არიან, რა მღევარი! გრიალითა და ყვირით-გრგვინვით გულ-მკერდს ახეთქენ წვეტიანს კლდეებს... უკან გარბიან... ძმებს უძახიან შემწეობისთვის.

კლდენი მაგრობენ... ამაყად ღვანან.

დადგა დილა, მოღუშული, კაშხიანი. კლდენი ისევ პირქუშად გაშეშებულან, ისევ დაჰქროლავს მიდამოს ქარი. ტალღები ეხეთქებიან მრისხანე კლდესა მღევარი, თავ-განწირულნი და... იღუპებიან...

მაგრამ რწმენითა, მაგრამ იმედით სულ-სულ ახალი მოსრიადებენ ზღვისა ტალღები. არც საზღვარი უჩანს, აღარც სათავე მრისხანე ტალღებს...

ზღვა მოშორდა ნაპირებს; ტალღები ერთ ადგილას მოჰყარა და მრისხანე რაზმებად დააწყო. გრგვინვა და კენესა ისმოდა.

თვით ის, რომელმაც ყორე აშარა ზღვაზე, შემდრწუნდა ამ სანაპირობით... შეთოთოდა უღმრთო გული მისი ტალღების მღევარ იერიშზე, სურს უშველოს საქმეს!

მაგრამ გვიანდა! ტალღები აღარ ტარია! ტალღები აღარ თხოულობენ!

შერიგება შეუძლებელია!

ვით მრისხანე ღმირი, ბებერი ტალღები ახალგაზრდებისკენ გამოჰქანდნენ! თეთრი ფაფრები აიყარნეს!

ღედა-მიწა შეიძრა... ჩამოხვდნენ... გრივალი ზღაბრულის სისწრაფით ახეთქს ტალღებს ჯიუტს ყორეს..

და საოცარის გაბედულებით არის კივილზე მობრძის, მოსრიადებს ახალი რაზმი...

გარშემო ჰგრძნობენ: ან დაინგრევა პირქუში ყორე, ან და მემართ იქ გაეთხრებათ ბნელი სამარე.

ერთხმად დასწყვიდეს... ეხეთქნენ ყორეს..

მძლავრ იერიშზე ყორე შეინძრა.

ტალღები მიჩუმდნენ. უკან გასრიადდნენ... ისევ სიშმაგი ეცნენ ხელ-ახლა...

გრივალი, კენესა ისმოდა ზღვაზე.

ყორე დაინგრა...

ბოლო იერიშზე დანებდა იგი, კენესით და გმინვით გადაეჩნა ზღვისა უფსკრულში, იქ, სად სამარე გაეთხარათ დაღუპული ტალღებს...

\*) იხ. „დამატება“, № 872.





მებრძოლ რაჭაების ბრძოლა, გამართული ჯგუფებში მოსკოვის ერთ ქუჩაზე.

„შორს, საზიზარნო ლეშნო!“ — დანგრეულ კლდეებს ზღვა უღრიალებს:

„აქ საფლავია უშიშარ გმირთა, ბრძოლის ველზე გამწყდარ გმირთა, აქ ახალგაზდა ტალღები მარხია...“

ზღვის უფსკრული გაიღო და ბნელ უფსკრულში წყევ-კრულივით ჩაეშვა ყორე...

უსივრცო ზღვა განცხრომა შიშით. მან დამარცხა მრისხანე ძალა...

ტალღები თავისუფლად დასრიალებენ. და აღტაცებით დაღუპულ მეომართ აღიდგენენ...

მ. კინწურაშვილი

## აღსვლა სიმაღლეზე

(თარგმანი)

ილაკეთ მგონისთვის (სახელი წაშლილია). მთელი ხუთი წელიწადი გაატარა მგონსა საპრობილეში და განთავისუფლების დღეს ნახეს მხოლოდ იმისი ცივი გეგმა, ნახად პირ-მომდინარე ღმერთმა ბოლოს მოგონა იგი და განთავისუფლა ტყვეობისგან\*)

I

### მ ი წ უ რ შ ი

მგონს კარგად ახსოვს ის წამი, როცა საპრობილეში მიიყვანეს. ბინდით გარემოცულს მას უბრწყინავდა მხოლოდ ის რაღაცა ციური, ტურფა, ნაზი. ტუსადს კარგად ახსოვს ძველ სასახლის ფილაქნიანი ეზო იმდროით, როცა ახლად

\*) ეს წარწერა ნახეს კალაბრიაში, ძველ საფლავის ქვაზე, მეფე როპერის სასახლეში. წარწერა აღმოაჩინეს ამ მოთხრობის ავტორის იქ ყოფნის დროს.

ამოსულ მზის მიერ ცელქად გამოტყორცნილი სხივები ანა ჩვეულებრივ ელ-ფურს სდებდნენ არე-მარეს; ლურჯად მოკამყამე ცა მშობლიურის ალერსით დასცქეროდა ცოდვილ დედა-მიწას; ცელქი ნიაფი ნაზად ეკონებოდა ხის ფოთლებს, და მერე, ვით საყვარელი, გაურბოდა ამ ფოთლებს მინდორ-ველისკენ. რაღაც საიდუმლოებით მოცული შრიალი შორს-შორს სადღაც იტაცებდა ადამიანის ოცნებას.

აქამდის არ დავიწყებია საწყალ ტუსადს მშვენიერ ყვავილთა სუნი; აქამდის ყურში უდგას თავისივე ფეხის ხმა, რომელიც ყრუთ გაისმოდა ცხის ქვის ფილაქანზედ; და მერე... მერე... აგონდებოდა თვალწარმტაცი, მიმზიდავი, მომზიდავი შუქი; ეს შუქი კედლის გამონგრეულიდან ჩუმად შეპარულიყო ციხეში, რომ ცოტათი მაინც ენუგეშებინა ტუსადნი.

ტუსადი შესდგა, შესდგნენ დარაჯნიც, თითქმის მიხედნენ, რომ იგი საუკუნოდ ესალმებოდა სინათლეს, თავისუფლებას, ცას, სი-ცოცხლეს და სიმღერას, იმ სიმღერას, რომლისთვისაც აქამდის სცოცხლობდა. ამ გამონგრეულიდან შედიოდა ზღვის გრილი, დამამშვიდებელი სიო. სიო თვას უშლიდა და ნუგეშის ნიშნად ალერსით ევლებოდა თავს. მგონს ხარბად გაიკვირებოდა შორს სივრცისკენ. იქ იმ მშვენიერ სივრცეში მოსჩანდა ლურჯი, მოკამყამე ცა, უზრუნველი ჩიტები თავისუფლად და მზიარულად დაფრინავდნენ სუფთა ჰაერში. ძირს-კი, ზღვის პატარა ზვირთები, ჩუმის ბუტბუტით ეალერსებოდნენ ნაპირს. აგერ შორს გამოჩნდა გემი...

— დროა! — სთქვა ყარაულმა და ტუსადს მზარხედ ხელი დაადო.

ოჰ, კარგად ახსოვს ეს უკანასკნელი წუთები! ერთ კლდის ძირში ოზლად ამოსულიყო ლამაზი ყვავილი. წვიმის წვეთები ასაზრდოვებდნენ, მზურვალე მზეც არ აკლებდა თავის ალერსს. მგონსა გაიწოდა კიდეც მისკენ ხელი, რომ მოეგლიჯა და წაეღო საპრობილეში, ნიშნად სიცოცხლის უკანასკნელ წუთების მოგონებისა, მაგრამ შესდგა... შეე-წინადა... რად უნდა მოაშოროს თავისუფლებას, მზურვალე მზეს, როცა იმ ნესტიან საპრობილეში თვით მზის ცელქ შუქსაც კი არც ერთხელ არ შეუხედნია!

საპრობილეს კარებთან ისევ იმ ბეგერმა ყარაულმა შეაყენა აკანკალებულის ხმით:

— მაპატიე, ძმაო, მაგრამ მიბრძანეს ფანდური გამოგართო.

— წაიღე, სჯობია! — გაიფიქრა მგონსა და დახედა თავის საყვარელ ფანდურს.

ამ ფანდურს, ვით მეგობარს, გულში იკრავდა. ჰფიქრობდა, რომ ფანდურის ტკბილი ხმა გაუქარწყლებს დარდს და ვარამ საპრობილეში. მგონსა ვედრებით შეხედა დარაჯს, მაგრამ მოაგონდა, რომ იგი ყურმოკრილი ყვია და... დაახეთქა მიწაზედ თავის მეგობარი. დამტკრა ფანდური, დასწყდა სიმები — ამასთან ერთად მგონსა რაღაც ჩასწყდა გულში და სტკივა, სტკივა ელაღ კი, თუმცა მას შემდეგ ბეგერმა წელიწადმა გაიარა.

მძიმედ გაიღო საპრობილეს კარი. ვილაცამ სანათი ანათო სინათლეზედ უფრო შავად, უფრო ნესტიანად მოსჩანდა ციხეები. ქვეით გამოჩნდა ჩრდილი, რომელიც ნელ-ნელა უახლოვდებოდა მგონის ოთახს.

— სანათს დაგიტოვებ! — წარმოსთქვა დარაჯმა და ჩამოჰკიდა სანათი ლურსმანზედ, — მშვიდობით!

ტუსადი მიტრიალდა. ხედავდა, როგორ მიდიოდნენ დარაჯნი კიბეზედ, როგორ ჰრიალით იღებოდა კარები, საიდანაც



სინათლე მოსჩანდა. დარაჯები ნელ-ნელა ადიოდნენ კიბეზედ. ერთი... ორი... სამი... — სთვლიდა მგოსანი. უკანასკნელმა მოიხედა იმისკენ, მაგრამ ისევ ჩქარა გასწია ზემოთკენ. ირგვლივ ყველაფერი მიწწარდა. სინათლეც გაჰქარა. აქ კი მგოსანი უღონოდ დაცა კეის ხეობზედ და გახურებული შუბლი ცივ ფილაქანს მიადო, თითქოს იმას სთხოვდა შემწეობას და შებრალებასაო. მგოსანმა იცის, რომ იქ, ზემოდ, მკაცრმა ბატონმა არ იცის შებრალება. მეტად ძლიერი იყო მგოსნის სიმღერა, მეტად გულ-მოდგინედ უგდებდნენ ყურს ტანჯულნი მსახურნი იმ საწყალ, ღარიბ სოფლისა, რომელსაც სასტიკად დასცქეროდა ბატონის მედიდური სასახლე. მგოსანი ხედავდა, ამ სიმღერის გაგონებაზედ რა-რიგ იკმუხნებოდა ბრძანებლის სახე, რადგან მგოსანი სხეებსავე არ აქებდა იმის ვაჟაკობას და მამაკობას. არა მგოსანი არ აქებდა იმას, ვინც მონობაში ართმევს ხალხს სულს, ვინც ხალხის სისხლს სწოვს მგოსანი თავდავიწყებით მღეროდა არწივის შესახებ, რომელიც თავის კლანჭებში ისე შეუბრალებლად სტანჯავდა ჩიტებს; მღეროდა იმ ტანჯულთა შესახებ, რომელნიც ასობით ეყარნენ ბნელნესტიან საპყრობელში. შორს, საუცხოო მომავლიდან იწყებოდა იმისი გამაცოცხლებელი სიმღერა დღეს დღითაც, სანამ აქ მოიყვანდნენ, სასახლის დიდ ოთახში მოაგონდა გუშინდელი, საზარელი აწიოკება ხალხისა და გულმა ცემა დაუწყაო. წამოავლო ფანდურს ხელი და ჯერ ნელის, მერე კი უფრო ალტაცებული სმით დაიწყო სიმღერა, რომლის თითო სიტყვაში წყევლა და გრულია ისმოდა. ახსოვს მგოსანს, რა სიტყვებითაც დაათვა თავისი სიმღერა:

დიდება იმას, ვაჟა მის სხეელს,  
ვინც მუშა კაცად დაბადებულა  
და შრომა მისა ზატაოსანი  
სამშობლოსთვის არ დაკარგულა!

მაშ ნუ შედრეკებით ოჭ, მეგობარნო,  
ნუ, ნუ დაჰკარგავთ გაბედულობას;  
ადრე თუ გვიან, ტანჯული ხალხი,  
გულში ჩაკრავს თავისუფლებას!

აქ შეხედა მგოსანმა მბრძანებელს და მიხედა თავის დაღუპვას. იგი ღინჯად გამოვიდა გარედ, რომ უკანასკნელად მაინც დამტკბარიყო ტურფა ბუნებით და სუფთა ჰაერით, რადგან უკან დარაჯები კიდეც მისდევდნენ.

## II

### ს ა ნ ა თ ი


როცა მგოსანი გამოფხიზლდა, სანათმა ძალიან შეაკრთო. სინათლე თან და თან ერეოდა სიბნელეს და იფინებოდა ირგვლივ. ის, ვით ცოცხალი ინძრეოდა, იცქირებოდა კუთხესა და ჯურღმულებში. ტუსალი შიშით და თანაც რაღაცა გამოურკვეველის სიზარულით უცქეროდა სანათს, კარგათ იცოდა რომ სინათლე მალე ჩაქრებოდა და სიბნელე გამეფდებოდა. ამიტომ ხარბათ დასწაფებოდა სინათლეს, რო ერთიან შთაენთქა იგი. ასე მთელი საათი უცქეროდა ტუსალი სანათის ციმციმს. ეხლა მარტოდ აღარა ჰგონებდა თავს; მერე კი, მერე, როცა ეს სინათლე ჩაქრება, დარჩება მარტოდ-მარტო, რიდაც უხილავის ძალით ჩამწვდევული კლდის გულში. მაშინ, მხოლოდ მაშინ დაიწყება იმისთვის ნაპდვილი დღეები.

რისთვის? რისთვის? — იმეორებდა მგოსანი; — რისთვის?

აქ წარმოუდგებოდა ხოლმე თვალ-წინ მთელი თავისი ცხოვრება. ასწავლიდნენ სიმართლისთვის სამსახურს — ისიც ემსახურებოდა... ეს მას ასწავლიდნენ მოყვასის სიყვარულს — და ისიც იყვარებდა. ასწავლიდნენ თავის მბრძანებლის პატივის ცემას, და პატივსაც სცემდა, არ უღალატია არც ერთხელ; პირიქით, უგალობდა სიმართლეს, ხალხის სიყვარულს, მაგრამ ეხლა, როგორ გაჩუმებულიყო, როცა ხალხი იღუპებოდა ბატონის ცხენის ნალები სთვლავდა ხალხის ყანებსა და ვენახებს? როცა გონება დაბნეული ხალხი შიშით აქეთ-იქით მირბოდა, რადგან არ ინდობდნენ დიდსა და პატარას, ქალსა და კაცს? ღმერთმა მიანიჭა სიმღერის ძალა, მგოსანიც სულით და გულით ემსახურებოდა ამას.

— რისთვის? რისთვის? — კიდევ იმეორებდა თავისთვის მგოსანი და დაღონებული უცქერდა მიმართალ სინათლეს.

შუქი თან და თან კრთებოდა, სიბნელე უფრო მძლავრად იფინებდა ოთახში და, აი, საცა ჩაიგდეს კიდეც ხელში ნახად მოციმციმე შუქს. კუთხეებში უკვე სიბნელე გამეფებულიყო. არავის ისე ტანჯვით არ უცქერია სინათლის მისუსტებისთვის, არავის ისეთი შიში არ გამოუცდია მეგობრის სიკვდილის მოლოდინში, როგორიც ეხლა მგოსანმა, რომე-



ზოღადია შდის ხალხის კრებას ჰუტილოვის ქარხანასთან.

ლიც თვალცრემლიანი უცქეროდა მომავლად სინათლეს; მაშინ კი... მაშინ, როცა, დიდხნის ტანჯვის შემდეგ, სინათლე წყნარად ჩაქრა და უკანასკნელი მოალერსე შუქი კიდეც მიიპნია მგოსანს, მაშინ პირველად გაისმა სატუსა-



ლოში ტუსალის მწარე ქვითინი. ირგვლივ გულ-შემზუთავი სიბნელე გამეფდა, მხოლოდ თვალ-დახუჭულ მგოსანს კიდევ ეჩვენებოდა სინათლის ნაზი ციპციმი და ბრძოლა სიბნელეს-

თან. ამ დროს თავზედ რალა(კა უზილოვი ძალა დასტრია-  
ლებდა.

(დასასრული იქნება)



ჟინტრების საყიდი შაქარი. დარაჯებით შიქეთ, რომ გზაზე არ წართვან, რადგან ტფალისში შაქრის შემშილია.



ახლა ისეთი დრო დადგა, რომ ვეკლავზე უშაშრაი მუშტიადში წასვლა და იქ სათევზაოდ ჭაყულებას ძეხნა.

რედაქტორ-გამომცემელი ალ. მ. ჯაბაღარი.